

景祐乾象新書

五

十卷五十二頁



景祐乾象新書角亢氐房四宿占卷第十六 类志

角宿



角宿占

角宿所管星

日蝕角宿占

日暈角宿占

月蝕角宿占

月暈角宿占

月犯角宿占

歲星犯角宿占

熒惑犯角宿占

填星犯角宿占

太白犯角宿占

辰星犯角宿占

客星犯角宿占

彗星犯角宿占

孛星犯角宿占

流星犯角宿占

雲氣犯角宿占

此卷六

亢宿

亢宿占

亢宿所管星

日蝕亢宿占

日暈亢宿占

月蝕亢宿占

月暈亢宿占

月犯亢宿占

歲星犯亢宿占

熒惑犯亢宿占

填星犯亢宿占

太白犯亢宿占

辰星犯亢宿占

客星犯亢宿占

彗星犯亢宿占

孛星犯亢宿占

流星犯亢宿占

雲氣犯亢宿占

氐宿

氏宿占

氏宿所管星

日蝕氏宿占

日暈氏宿占

月蝕氏宿占

月暈氏宿占

月犯氏宿占

歲星犯氏宿占

熒惑犯氏宿占

填星犯氏宿占

太白犯氏宿占

辰星犯氏宿占

客星犯氏宿占

彗星犯氏宿占

孛星犯氏宿占

流星犯氏宿占

雲氣犯氏宿占

房宿

房宿占

房宿所管星

日蝕房宿占

乾象十六

二

日暈房宿占

月蝕房宿占

月暈房宿占

月犯房宿占

歲星犯房宿占

熒惑犯房宿占

填星犯房宿占

太白犯房宿占

辰星犯房宿占

客星犯房宿占

彗星犯房宿占

孛星犯房宿占

流星犯房宿占

雲氣犯房宿占

角宿占



傳曰角二星為天關其間天門也其內天廷也故黃道經
其中七曜之所行也左角為天田為理主刑其南為太陽

道右角為將主兵其北為太陰道蓋天之三門猶房之四
表也其星明大王道太平賢者在朝動搖移徙王者行
天文錄曰角為三光軌道順從則吉迂僻抵觸則凶
郝萌曰角星明大賢者在朝又曰左角赤明則治獄平
黃帝曰角微小不明則王道失 荊州占曰左右角動搖
非其常人主有憂 天官書曰蒼帝行德天門為開
陶隱居曰角壽星也蒼龍角也南左角名天津北右角
名天門角中間為天闕角星明大天下和平暗及芒角動
搖王者失政

角宿所管星

平道 天田 周鼎 右攝提 天門
平星 庫樓五柱 衡星 陽門
南門 天牀 帝席 折威

日蝕角宿占

天文錄曰日在角蝕戒之在於始田耕之臣也 天文物論
曰日蝕角主闕將吏耕田臣有憂 晉書曰日在角蝕

蝕淺者則禍淺蝕深者禍深角為天門王者惡之

武密曰日在角蝕至尊憂 陶隱居曰日蝕角其邦不實

日暈角宿占

天文惣論曰日暈角主憂主內有陰謀君以赦除之又曰

陰國用兵得地 陶隱居曰日暈角王者大赦

月蝕角宿占

天文惣論曰月蝕角大臣憂獄事 武密曰月在角蝕法

官憂黜 陶隱居曰月蝕角有臣為亂一曰其邦不實

卷之六

月暈角宿占

天文錄曰月暈角有角虫死其分士卒有兵兵罷後百

日兵起先起者勝暈右角右將軍有殃左角左將軍有

殃 天文惣論曰月暈角有水災色黃者吉當有德令

若二月月暈角五月有大赦 石申曰月入天門及兩角

間而暈三重兵起天下道絕將失利兵亡 海中占曰

月暈角民饑 郝萌曰月暈角多風雨又曰月以正月

暈角公子死正月戊己暈左右角有喪

月犯角宿占

天文錄曰月犯角大人惡之犯左角則大臣誅犯右角則有兵 天文摠論曰月犯左角大戰犯右角胡主憂天下多雨 武密曰月犯左角中行為出天門中道則百姓安寧歲美無兵 陶隱居曰月入角在陽為早在陰為水 河圖帝覽嬉曰角星貫月三年國君死若月乘左角法官誅乘右角兵起 荊州占曰月出左角南三尺多獄五尺以至于丈天子明威又曰

乾象十六

五

乘左角將相有坐法者 郝萌曰月乘左角為旱乘右角為水 鴻範傳曰月蝕熒惑在角元憂在宮中非賊乃盜也一日相死讒臣在傍 李淳風曰月犯角大人有憂獄事 武密曰若兩軍相當月犯左角大戰將軍死犯右角太尉死

魏齊王正始七年七月丁丑月犯左角占曰天下有兵左將軍死嘉平元年宣帝誅曹爽等

晉穆帝永和六年七月壬寅月始出西方犯左角占曰

大將死有兵其年上司徒蔡謨免為庶人

晉孝武帝太元元年十月己未月奄左角占曰天下有兵一曰國有憂四年二月苻堅使其子丕攻陷襄陽執南中郎將朱序又陷順陽四月苻堅將韋鍾陷魏興太守吉挹死之

歲星犯角宿占

天文錄曰歲星犯角民多疾疫 天文惣論曰歲星守角間五穀熟成一曰大赦 武密曰歲星犯守乘

卷之六

六

左角七日巳上天下大赦守右角賢士用期七十日

海中占曰歲星逆行左右角為旱 孝經右祕曰木

犯角天下大病 郝萌曰木蝕角女子多死乘右

角為兵將相有坐法者若守角政事急有千里之行趣其北五穀不收若逆行角其君出入不時

海中占曰歲星守角忠臣受戮 武密曰歲星犯守

乘左角有大赦守右角賢士用 石申曰歲星守角

歲饑 海中占曰歲星犯天田五穀不成又曰守角巳

南巳北宜黍稷 陶隱居曰歲星守角七日有赦忠
賢用 李佺曰歲星乘犯右角大將死

宋廢帝元徽三年七月丙申歲星犯角宿占曰角爲
天門國將有兵四年七月建平王景素據京口又時
廢主凶匿無度五年七月殞安成王入篡位後三年禪齊
熒惑犯角宿占
天文錄曰熒惑犯角則有赦 天文惣論曰熒惑犯
角貴臣有憂若守左角有兵守右角有赦令

陶隱居曰熒惑犯左右角左右群臣有謀不成伏誅
守角相受誅繒帛貴 石申曰熒惑守角忠臣賢
相受戮繒帛貴有戰伐宮中有盜賊若入角君
道不通兵起若環繞勾己者國內大饑君勿行有伏
兵若犯角有戰守左角太尉死守右角五穀不熟犯
左右角左右群臣有謀不成伏誅 石申曰熒惑入
角中國君襄敗兵起犯左右角有征伐臣謀叛
文耀鉤曰熒惑與角合相死 甘德曰熒惑入左角

有赦入右角兵起若守左角校尉死廷尉有憂守
右角將軍死太尉有憂若熒惑入天門以去復及守
之關梁不通 黃帝曰熒惑居角成勾已環繞有
芒如鋒刃天子勿出宮廷又曰熒惑守角出其南多
病出其北多死亡行右角中國有殃行左角負海
國有憂又曰守角西為父母後為妻前為子東為
己身 郗萌曰熒惑守角讒臣進政事急若熒惑
舍天門出復反之天下亂又曰熒惑起角刺如劔刃經

乾象卷十六

八

角間三十日而三由之主人無下殿無出宮廊廟之間
有伏兵一曰熒惑過兩角南北多雨若留角其國受殃
河圖挺左輔曰熒惑居角陽有喜 巫咸曰熒惑舍
天門人主絕嗣 李佺曰熒惑犯左右角有兵
晉孝武帝太元十三年十二月熒惑在角形盛常占曰
熒惑異其常諸侯亂是時慕容垂姚萇並阻兵事

填星犯角宿占

天文錄曰填星犯左角大戰一曰有不臣者 天文惣論

曰填星犯左角將軍死守左角及天門者國有真人出
守右角人君好畋獵一曰有水兵災 陶隱居曰填星
守角內主有喜陳卓曰填星乘左角有旱右角將
相有生法者 石申曰填星守角萬物不成 甘德
曰填星守角皇后有喜 巫咸曰填星守角為水
有兵災 海中占曰填星守角五穀多傷若守左
右角其色潤澤即歲熟 郝萌曰填星守角不明
者女主少子若逆行女主出入不時又曰填星出天門

東本十七

七

中兵在外者罷 荊州占曰填星出入留舍六十日天下
多暴獄若填星起右角之左角廷尉受執 陶隱居

曰填星守角內主有喜守六十日國有忿爭

武密曰填星守右角天子好遊獵又曰填星守兩角
間軍與國庭關梁不通 李淳風曰填星守角為
水有兵災 李佺曰填星犯角大戰將軍死守右角
有兵

宋高祖武帝永初元年十月填星犯角占曰為喪大人

惡之曰兵起三年五月宮車晏駕七月索頭攻略青司
兗三州於是禁兵大出是後司徒徐羨之尚書令傅亮
領軍謝誨等廢少帝內亂

太白犯角宿占

天文錄曰太白犯左角大戰不勝將軍死又曰守犯角
道路不通守角色黃大臣益地色赤臣下欲叛

天文惣論曰太白守角一尺已上至十六日太子驕溢貴
人自將兵於野 黃帝曰太白乘左角群臣有謀不成

以家坐罪又曰太白入角天子自將兵於野民多疾疫若

守右角五穀不成歲大水 郝萌曰太白守角二十日大

赦若入角亢間有貴客來 陶隱居曰太白守角天下

有兵大戰國有忿爭若太白與熒惑合守太白酒居後

者破軍殺將 武密曰太白逆行左角間有刺客天

子宜慎之 李佺曰太白犯角大戰不勝將死

晉惠帝永興元年七月庚申太白犯角占曰天下大戰於
是兗豫爲天下兵衝陳敏又亂揚土劉元海石勒

李雄等並起兵

晉穆帝永和五年九月戊戌太白犯左角占曰為兵至
八月褚裒東北征兵敗

辰星犯角宿占

天文錄曰辰星乘右角將相若后族有生法死者一曰
為水為兵為小戰辰星守角萬物不成王者刑罰急
若守左角為水右角為旱入角獄有善令

天文惣論曰辰星久守角水流滂滂舟船相望守兩

角間關梁不通 陶隱居曰辰星守角有水災

海中占曰辰星守角色黑為水色赤為旱色青為

憂色白為喪 陶隱居曰辰星守角王者刑罰急

有水災 李淳風曰辰星留兩角間關梁不通軍

興國庭邊境不寧

客星犯角宿占

天文錄曰客星入角蝗蟲五穀傷 郗萌曰客星

守角有賊臣從外入大臣有亂者凶守角獄理多冤大

赦左角小有兵匈奴兵起不用逆守右角穀貴守左
角多暴虐事守兩角間赦期不出三十日守百日天
下中隔不通 荆州占曰客星犯守角大旱富民
貧 天文惣論曰客星守左角色赤者旱五穀
不登守右角其下有大水災 武密曰客星干犯兩
角間色白者兵起不戰邦有憂色赤乃戰所至
必有破軍侵城期七十日或三年 陶隱居曰客
星守角旱五穀惟風雨不調若客星入兩角間

色白者兵起國有大喪色黑者軍敗城陷

漢武帝後元元年六月戊戌夜客星居角東南指
可二尺色白占曰有姦人在宮廷至二年是時楚王
延壽謀反自殺明年霍光兄弟及九卿皆謀反並
伏誅

彗星犯角宿占

天文錄曰彗星干犯兩角間色白者軍起不戰邦有
憂其色赤戰所指必有破軍侵城期七十日或三年天

文惣論曰彗星出角天下兵亂 武密曰彗星入角長
可六七尺更政易王 陶隱居曰彗星入角間色黑者
軍敗城陷 韓陽曰彗星出角后黨恣外連禍
陳卓曰彗星出角天子起王廷穀貴大戰入國
李淳風曰彗星出角改易王者暴兵起期三年
武密曰彗星出兩角間帝將易都

漢獻帝初平四年十月彗星出兩角東北行入天市中
滅占曰彗星除天市天帝將徙帝將易都是時上在

長安後二年東遷明年七月至雒陽其八月曹公迎上
都許

魏齊王甘露二年十月彗見角色白占曰彗星見
兩角間色白者軍起不戰邦有大喪至景元元年高
貴鄉公為成濟所害

孛星犯角宿占

武密曰孛星干犯兩角間色白者軍起不戰邦有
憂 石申曰孛星入角間色赤軍敗城陷

晉哀帝興寧元年八月有星孛于角宿入天市占曰
為兵喪三年正月皇后王氏崩二月哀帝崩三月慕
容恪攻沒雒陽沈勁等戰死

流星犯角宿占

天文錄曰流星出兩角間天子人使也色白入兩角
間有諸侯客來者有口令色黃入角間有貴客
來見君廟者 天文惣論曰流星犯左角兵吏
有繫者色赤以兵色黃以土功色黑病死青夏

乾象十六

十四

白義繫也流星入兩角間天子遣使於諸侯 武容

曰流星抵角角不動臣欲亂而戮死 石申曰流星

入角間外國有使入中國 陶隱居曰流星出角間

天子發使外國若流星從他宿入角間外國有使入

中國 乙巳略例占曰流星入角隣國有使入賀出則

國有大使出安民

角為天門使星出入兩角
間皆為天子大使出入

雲氣犯角宿占

天文錄曰黃氣直入兩角間天子祠神黃白氣潤澤

入右角得地 赤氣入左角有兵右角國兵驚戰
勝 天文摠論曰有蒼雲氣入左角有兵兵敗出
右角戰者憂將無功 青氣入兩角間天子憂疾
祠祀即無咎 武密曰黑氣入右角偏將敗 白氣
入角戰不勝 郝萌曰有氣如劍刃出兩角間三十日
人主無下殿無出宮廟有伏兵蒼氣入兩角間天子
疾病 李淳風曰有雲蒼色入左角兵散出右角
兵戰 武密曰赤氣入角國驚有戰白氣入角戰鬪
不勝

亢宿占

傳曰亢四星天子之內朝也摠攝天下奏事聽訟
理獄錄功者也一曰䟽廟主疾疫星明大輔臣納忠天
下安寧 郝萌曰國將有疾占於亢星若明大民
無疾疫又曰秋分視亢不見則五穀盡傷糴貴
陶隱居曰亢星主摠領四海其星明天天下平安星
暗則國政內弱 星讚曰亢為朝廷摠領四海

亢宿所管星

大角 左攝提亢池 陽門 頓頑

騎官 大理 車騎 梗河

日蝕亢宿占

天文錄曰日蝕亢其邦君憂 天文惣論曰日蝕亢

大臣有謀事 武密曰日蝕亢外有諸侯謀入關

石申曰日蝕在亢國君有憂

日暈亢宿占

乾象十六

十六

天文惣論曰日暈亢宿大臣凶多雨損禾稼人民疾

疫 武密占曰日暈亢大臣被戮宗臣死

月蝕亢宿占

天文錄曰月蝕在亢主刑法之臣有當黜者

天文惣論曰月蝕亢其野君有憂大臣當之

月暈亢宿占

天文錄曰月暈亢有赦令 天文惣論曰月暈亢

兵革興期百日冬暈亢大人憂以德令解之吉

李淳風曰月暈亢先起兵者勝喜 又曰君有兵革
之事 石申曰月暈亢有兵革出

月犯亢宿占

天文錄曰月犯亢有兵起犯亢左星為水右星為兵
天文摠論曰月犯亢其下將有死者月在亢有變有
刑罰事 黃帝曰月犯亢將軍亡旗鼓其國將死
海中占曰其國憂亡地 郗萌曰月犯亢廟臣有事
一曰廷臣有亂若乘守亢右星為大兵乘守亢左星

皆為大水 李淳風曰月在亢有變王者布政失理當
省刑罰一曰月犯亢其國將死 武容曰月犯亢大人
多疫癘朝廷之臣為始

魏齊王正始九年正月辛亥月犯亢南星占曰兵起
一曰軍將死來年誅曹爽等

魏齊王嘉平三年五月甲寅月犯亢距星占曰軍將
死一曰為兵是月王凌楚王彪等誅四年三月吳將朱
然果為寇鎮東將軍諸葛誕破之

陳文帝天嘉五年六月丙申月犯亢其後少帝被廢
歲星犯亢宿占

天文錄曰歲星干犯亢有德令木稼熟

天文惣論曰歲星犯亢則君側有敗於君者

武密曰歲星守亢則有小兵 李淳風曰歲星

入亢其分民疾疫 陶隱居曰歲星守亢留三十

日已上有赦國豐 荊州占曰歲星犯亢有飛虫

驚動人行疾期一百五十日行遲期二百五十日

乾身十六

十八

陳卓曰歲星犯亢逆臣為亂 石申曰歲星守亢

有小兵歲饑若留三十日有赦若久守人多疾病若

歲星與熒惑同守亢五穀不成 武密曰歲星犯

亢天子坐之若歲星經亢韓鄭之國有兵若逆行失

色政令不行海中占曰歲星守亢北貴人多徙

宋廢帝元嘉十六年十月歲星犯亢占曰女主大臣憂

其年皇后素氏崩

熒惑犯亢宿占

天文錄曰熒惑入亢有大疾 挺佐輔曰亢主韓鄭

熒惑居陽有大喜居陰有憂 天文惣論曰熒

惑凌犯亢而有芒角大人惡之 武密曰熒惑久守

亢者民憂之 陶隱居曰熒惑守亢多雨水

甘德曰熒惑守亢五穀不熟又曰䟽廟有土功事

郝萌曰熒惑守亢天子有祠廟事 海中占曰熒

惑守亢天子易政道路不通 荊州占曰熒惑黑

色守亢大水 陳卓曰熒惑乘亢右星爲大兵爲

水穀貴 郝萌曰熒惑留亢亂臣在朝忠臣不進

荊州占曰熒惑守亢天子惡之若逆行亢君臣咸非

其人 甘德曰熒惑入^亢天子廷居之成勾已環繞者天

子失其廷 陶隱居曰熒惑守亢多雨水天下盡

叛兵起 石申曰熒惑與太白同守亢道路不通盜

賊並起 武密曰熒惑入亢有芒角凌犯者當有

白衣會 李淳風曰熒惑守亢成勾已環繞者三

十日已上天子自將兵國易政若熒惑犯亢有亂臣

多疾疫

魏齊王嘉平四年十月熒惑犯亢南星占曰臣有亂
後鎮東將軍母丘儉揚州刺史文欽反兵俱敗誅死

填星犯亢宿占

天文錄曰填星入亢民多寇物不成犯亢逆臣為謀乘
亢左星為水右星為兵穀貴 武密曰填星守亢

四海且安君貴禮義 李淳風曰填星犯守亢五穀

傷民流亡若逆行女主專政一曰賤女有暴貴者

陶隱居曰填星守亢萬物不成民多疾疫

郝萌曰填星犯亢逆臣為謀亂諸侯當有失國者

若乘亢左星為水乘右星為兵一曰有失地之君天

下憂又曰徙倚前後於亢女主非其人若逆行亢女主

干朝事 荊州占曰填星徙於亢前後春夏為火秋

冬為水 郝萌曰填星出入留舍亢其國以威致天下

李佺曰填星守亢有兵

魏齊王正始五年十月癸巳填星犯亢距星占曰諸侯

有失國者嘉平元年誅曹爽兄弟

宋武帝永初三年二月壬辰填星犯亢占曰諸侯有失國民多流亡臣為亂亢兖州分其年索頭攻圍司兖州刺史徐琰奔敗之應

太白犯亢宿占

天文錄曰太白凌犯亢有芒角行疾兵期一月日行遲期八十日守亢收斂國兵以備北方 天文摠論曰太

白守犯亢君自將兵伐無道之邦太白逆行犯亢為

卷之六

三十一

兵為亂為逆鄭分當憂 武密曰太白犯凌而有芒

角朝廷貴臣當有戮者 陶隱居曰太白守亢有水

賊傷人天下道不通若太白入南下道兵起大旱

海中占曰太白入亢有喪 陳卓曰太白入天府廷臣

為亂 郝萌曰太白舍亢燠旱不生若出入留亢鄭

國多亡民五穀多霜死 荊州占曰太白守亢有姦

吏有兵牛馬用 李淳風曰太白逆行犯亢為兵

逆臣為叛人君有憂

魏齊王甘露二年十月丙寅太白犯亢距星占曰逆臣
為亂人君憂至景元元年五月有成濟之變及諸
葛誕誅

晉哀帝興寧三年十月太白犯亢晝見占曰亢為內
朝有兵喪明年五月皇后庾氏崩

辰星犯亢宿占

天文錄曰辰星犯亢為水右星為大兵有奇今萬物
不成穀貴 天文惣論曰辰星犯亢其下有疾疫

魏書卷十六

二十二

逆行守亢有兵起 陶隱居曰辰星守亢其分米
貴久守則人多疫有水災 郝萌曰辰星舍亢歲
小水燠旱不生又曰有兵兵罷無兵兵起 荊州占
曰辰星守亢多盜賊民相惡 李淳風曰辰星數
入亢其國疾疫

客星犯亢宿占

天文錄曰客星干犯亢國人不安出亢有出使者
經兩角間入亢中諸侯客來皆以色占之色赤言兵

色黃言土功色白義色青使者憂色黑使者凶一
曰客星入亢中天下有德令色白期秋色青期春
色黃期夏色黑期冬留亢色赤星色青貴人去
其鄉色黃無他害色黑民人流徙貴人憂

陶隱居曰客星守亢五穀傷若色赤夏旱 黃帝
曰客星入亢廊廟間有兵

彗星犯亢宿占

天文錄曰彗星干犯亢其國有災彗星出亢有水

兵疫 陶隱居曰彗星犯亢其國有兵夷狄亂

甘德曰彗星犯亢中國不安兵起 石申曰彗星
犯亢兵起臣叛

魏廢帝景元三年十一月壬寅彗星見亢色白長
五寸轉北行積四十五日滅占曰為兵喪一曰天子失
德四年鍾會鄧艾伐蜀剋之二將反亂皆誅

晉康帝建元元年十一月六日彗見于亢長七尺白色
占曰亢為朝廷主兵喪二年康帝崩

孛星犯亢宿占

天文錄曰孛星干犯亢其國不安 天文惣論曰孛星犯亢有水 武容曰孛星出亢其國饑 陶隱居曰孛星犯亢其國有兵夷狄亂 石申曰孛星行犯亢有兵起若入亢民流亡

晉哀帝興寧元年八月星孛于亢入天市占曰為喪三年正月皇后王氏崩二月哀帝崩

流星犯亢宿占

雜象十六

二四

天文錄曰流星入亢中幸臣有自殺者期一年

天文惣論曰流星出亢間而色黑愛臣以口舌事自殺期百日若一年 李淳風曰流星入亢中幸臣死 王蕃占曰流星入亢宰相與宮中為亂 乙巳略例占曰流星入亢外國有使入天下雨水調五穀豐流星出亢天子遣使清獄寬恩赦令出

後魏孝文帝太和十四年十一月乙未有大流星從南行入亢而沒占曰大兵起有戰十九年正月平南將軍王

肅破蕭鸞軍於義陽降者萬餘

雲氣犯亢宿占

天文錄曰蒼氣入亢民多疫 天文惣論曰黃白氣入亢有土功黑氣入亢有水赤氣入亢經旬而出廟有兵 郝萌曰赤氣入亢廟廊有陣兵黃氣入亢有土功事黑氣入亢有水事 荊州占曰民多瘧疾

氐宿占

傳曰氐四星王者宿宮也后妃之府休解之房前

星象志

三十一

二星適也後二星妾也星讚曰氐為宿宮露寢所止 黃帝曰氐星大則臣奉度邦君寧小則臣失勢 郝萌曰氐星大則人無出門之役馬汗之勞 甘德曰氐星動則徭役起 陶隱居曰氐為天根主宮室正妃也明為臣奉法君安寧暗則臣不奉法謀其國也

氐宿所管星

天乳 陣車 騎陣將軍 招搖

七公 日星 從官 陰德

紫微

東垣門
第一星

天輻

日蝕氏宿占

天文惣論曰日蝕氏卿相有讒諛 李淳風曰日在

氏蝕王者惡之 陶隱居曰日蝕氏后妃惡之

海中占曰日在氏蝕大官憂王者宜脩德

日暈氏宿占

天文惣論曰日暈在氏其國有憂臣下有興師

章句卷下

三十四

宜備之 武密曰日暈氏女主自恣臣下興師宜

備之 王蕃占曰日暈氏君當憂

月蝕氏宿占

天文錄曰月蝕氏公卿大夫有當黜者 天文惣論曰

月蝕在氏其地有疾大臣凶 武密曰月蝕氏后

妃惡之又曰大夫憂大臣死一占曰糴貴

月暈氏宿占

天文惣論曰月暈氏大將凶水虫死 陶隱居日月暈

圍氏將有殃人多疾死 王蕃占曰月暈氏國君女主
憂若冬三月暈氏有大水或赦 郝萌曰月暈氏人多
疾若十月十二月暈氏天子不安以赦解之一曰月暈氏
不出四十日有治道事

後魏閔帝普泰元年正月月在亢氏暈占曰兵起
君憂時爾朱兆及高歡屢廢天子時三主崩殂又
陷洛陽頻有肆赦

後周武帝天和五年正月乙巳月在氏暈占曰兵起
大戰將軍死於野是年冬齊將斛律明月寇邊於汾
北築城自華谷至於龍門其明年正月詔齊憲公率眾
禦之三月己酉憲公自龍門渡河攻拔其新築五城兵
起大戰

月犯氏宿占

天文錄日月犯氏將有憂犯氏左星左中郎將誅犯右
星右中郎將誅 天文惣論日月犯氏有兵犯氏有變
則有盜賊起 韓揚占日月入氏天下兵起 河圖帝

覽嬉曰月犯氐將誅或水蟲死 郝萌曰月乘氐左
星有水有兵 武密曰月奄氐有陰謀一曰將軍黨
晉穆帝升平五年六月癸酉月奄氐東北星占曰大將
軍當之五年正月北中郎將郝曇薨五月帝崩哀
帝立大赦賜爵褚后失勢七月慕容恪攻冀州刺史呂
護於野王護奔滎陽是時桓溫以大衆次宛聞護敗
乃退

晉安帝義熙十年六月丙申月奄氐占曰將死國有誅
者十一年正月高祖討司馬休之魯宗之三月戰于破
冢王師始不利又進攻休之等潰奔長安

歲星犯氐宿占

天文錄曰歲星犯入氐不出其年有赦 甘德曰歲
星守氐皇后有喜事 巫咸曰歲星守氐南其年
地動 郝萌曰歲星守氐南馬多死民多寒熱處
氐北有小賊處西歲多饑 天文惣論曰歲星守氐
年豐若歲星入氐而留舍者天之庫星當有急

令其歲太平若環繞而留氏其分有兵 武密曰
歲星犯氏國無儲守氏其歲熟一曰氏為嬖妾歲
星守則有喜 陳卓曰歲星犯氏蝗蟲萬物不成
郝萌曰歲星逆行守氏其君不居其宮一曰君治
宮室過制度 海中占曰歲星居氏五穀以旱傷
石申曰歲星守氏皇后有喜若守二十日巳上有立
王之象若逆行大臣失職 李淳風曰歲星守氏
王者立后若歲星逆行國大饑民流亡

宋孝武帝大明七年十月歲星入氏占曰諸侯人君
有人害者後二年帝后崩大臣將相誅滅皇子被
害皇太后崩四方兵起分遣諸軍推鋒外討

太和十二年三月歲星逆行入氏占曰有兵起其年
四月蕭頤將陳顯達寇邊攻陷灃陽長樂王穆亮
率騎討之

熒惑犯氏宿占

天文錄曰熒惑守氏大臣相譖 天文惣論曰氏者

天子之宮熒惑犯之君憂有火災入氐留守二十日
已上當有賊臣守三十日已上其分有兵 武容曰熒
惑守氐成勾己者大人惡之一云有赦期六月

陶隱居曰熒惑犯氐將相有憂 天文志曰熒惑

入氐中有賊臣 郝萌曰熒惑入天門至氐前進退

人主無出廊廟無出國無之遠宮其間有伏陣之兵

一曰熒惑守亢還入氐中三十日大人當之國有小喪

在其陽者則男在陰者女 荊州占曰熒惑色赤

黃以九月守氐期六十日有奪地又曰守氐已去復

反守之其色黃白與兩星齊期十日去兩星一尺期六十日

三尺期一百二十日有赦 甘德曰熒惑守氐成勾己者

有赦 黃帝曰熒惑守氐大人憂期六月 荊州占

曰熒惑守氐強國之君死王者憂貴人饑 至咸曰

熒惑逆行守氐有失火 黃帝曰熒惑與氐合失

地百里又曰熒惑出氐環守之強國惡之 石申曰熒

惑守氐大臣亡若熒惑與歲星同守氐賊臣爲亂

陶隱居曰熒惑逆行氐色赤大臣亡久守六十日有赦
武密占曰熒惑入氐天子失其宮一曰宮中火災賊在
內若留守氐二十日不下當有賊臣在內 又曰氐為天
子宮罰星入之宮中不祥之兆一曰熒惑逆行氐失地
荊州占曰熒惑犯氐多火災若成勾己者大人憂天
子惡之 李淳風曰熒惑逆行守氐大臣謀叛其
事成

晉安帝義熙二年五月壬寅火犯氐占曰人主憂三
年正月鮮卑寇北徐州至下邳八月遣劉敬宣伐蜀
十二月司徒王謐薨

後周宣帝即位元年十二月癸未熒惑入氐仍留經一月
己丑以上柱國河陽惣管滕王道為行軍元帥率衆
伐陳克之

填星犯氐宿占

天文錄曰填星守氐有德令有土功事太后皇后有
賀有赦令 天文惣論曰填星犯氐左星左中郎將

有誅者犯右星右中郎將誅不出一年 又曰填星在
氏光明潤大而色黃則皇后有喜不則女有暴貴
者不出百八十日守氏六十日有赦 武密曰填星守氏
即歲安色赤有裂地之君四夷不服天下大疫

海中占曰填星守氏冊太子 郝萌曰填星犯氏其下
必有亡國若出入留舍氏天下有兵期不出四年又曰
將必有亡地者若徙倚前後於氏女主前後非其人
一曰填星逆行氏女主不居宮室 陶隱居曰填星

卷之十二

三十一

守氏有立太子若守八十日已上其國有兵 巫咸曰
填星守氏其下必有亡國 甘德曰填星守氏后妃
有子之喜

後魏延和元年三月填星守氏九十日而違歷占曰皇
后不居宮室是年立皇太子後四年帝崩

太白犯氏宿占

天文錄曰太白與氏兩星齊期一十日而赦 天文摠
論曰太白干犯氏郎將誅不出一年 武密曰太白入

氏其分疫 李淳風曰太白入氏守之兵加其國

陶隱居曰太白守氏將軍有受封爵者 郝萌曰

太白入氏霜不時春糴大貴 海中占曰太白乘氏右

星天下有水 甘德曰太白入氏將軍賀大臣受封若

守犯氏天下徭役有兵兵罷無兵兵起 荊州占曰太

白有芒角凌犯氏王者亡地有大兵期四月一日其分

君有喪若守氏其下饑六畜多死 陶隱居曰太白

守氏兵起將軍有受封爵者 石申曰太白入氏若

東漢書

三十三

守之其下有兵 荊州占曰太白守氏國君憂事

陳廢帝光大二年十月戊子太白入氏十二月安成王自

立太后廢帝

晉穆帝升平四年八月戊申太白犯氏占曰國有憂五

年五月帝崩哀帝立大赦賜爵褚后失勢

辰星犯氏宿占

天文錄曰辰星入氏貴臣暴憂法官有獄事

石申曰辰星守氏則多惡風天下旱 天文惣論曰辰

星守氐七日巳上有水災 武容曰辰星入氐旱不收
守氐有兵起 石申曰辰星守氐水災萬物不成若
入守則貴人入獄 黃帝曰辰星守氐七日其下有水
期八十日有兵 陶隱居曰辰星守氐水災漂浸官
舍萬物不成 石申曰辰星守氐水災若入守貴人
入獄 李淳風曰辰星乘氐左星天子自將兵於野
乘氐右星天下大水大兵 海中占曰辰星入氐天下
旱不收 巫咸曰辰星守氐多水災

客星犯氐宿占

武容曰客星入氐中後宮暴亂期百八十日遠三年
天文錄曰客星入氐邊邦有獻女者 郝萌曰客
星乘氐下星則牛馬大貴 海中占曰客星守氐
則有德令若客星入氐色黃白則有喜 天文惣
論曰客星犯氐君憂於外國客星出氐色黃白十月
有赦若不出一百日 武容曰客星入氐色黃白與
兩角間期十日而赦去二星一尺期六十日赦去二星

二尺期百日内赦 陶隱居曰客星守氏則布帛貴
荆州占曰客星守氏麻麥羊貴 陳卓曰客星守
氏兵從邊起後宮亂五穀不成 郝萌曰客星入氏
中而散人主有疾一日中外不通馬有急行大人奪勢
失威大臣秉國之權若逆行乘守滅氏諸侯有坐罪
者 武密曰客星守氏五十日不去者宮中有刺客
李淳風曰客星入氏色黑廊廟有憂色赤有兵在
廟中貴臣誅

陳廢帝光大元年六月壬子客星見氏東占曰為白衣
之會十二月甲寅慈訓皇太后廢帝為臨海王太建
二年四月薨

彗星犯氏宿占

天文錄曰彗星犯氏大赦 天文摠論曰彗星出氏
有大赦不出一百八十日 武密曰彗星干犯氏糴貴
李淳風曰彗星滅氏大疫 陶隱居曰彗星行入於
氏有小兵一日後宮有暴兵 黃帝曰彗星犯氏臣

弑其主兵起更政期一年 石申曰彗星起氏中天子不安移徙宮室 荊州占曰彗星犯氏天子寢疾

孛星犯氏宿占

天文錄曰孛星干犯氏糴貴 天文惣論曰孛星出氏有赦 武密曰孛星出氏中天下大赦 李淳風曰孛星出氏之間如霞霓狀如冬木無葉此者歲星之精見則人有疫 石申曰孛星行入氏有小兵起

黃帝曰孛星犯氏臣弑其主 武密曰孛星干氏天

子失德易政

晉武帝咸寧二年六月甲戌星孛于氏占曰天子失德易政氏為兗州分四年四月徐兗之兵悉出交戰 宋少帝景平元年十月己未有星孛于氏是歲魏明皇帝崩至二年二月己卯廢南豫州刺史盧陵王義真為庶人徙新安郡

流星犯氏宿占

天文錄曰流星入氏有水 天文惣論曰流星入氏上

卿憂 李淳風曰流星犯氐祕閣官有事若春秋
犯其有貶職者冬夏犯為水旱 石申曰流星入
氐中民饑有病 李淳風曰流星入氐國相疾

乙巳略例占曰流星入氐後宮有喜流星色赤黑入氐
後宮妃后不安一日流星出氐有中使出布天子德令
又曰氐為宿宮流星白色入之主後宮有災

周宣帝大象元年六月丁卯有流星一大如雞子出氐
中西北流有尾跡長一丈所入月中即滅占曰不出三年

卷之二

三十七

人主憂又曰亡國靜帝幽閉之應

雲氣犯氐宿占

天文錄曰黃白氣入氐有土功事黑氣入氐有水入
氐房間使諸侯事 天文錄曰赤氣入氐有兵
李淳風曰蒼白雲入氐有疫 武密曰赤氣入氐
有內兵 石申曰白氣入氐不散後宮有憂

房宿占

傳曰房四星為明堂天子布政之宮也其四星四輔也

下第一星上將也次次將也第三星次相也上星上相也
南二星君位北二星夫人位又爲四表中間爲天衢爲
天關黃道之所經也南間曰陽環其南曰太陽北間
曰陰環其北曰太陰七曜由乎天衢則天下和平由陽
道則旱喪由陰道則水兵亦曰天駟爲天馬主車駕
南星曰左驂次左股次右股次右驂亦曰天廡又主
開閉爲蓄藏之所也房星明則王者明驂星大則
兵起星離則民流星讚曰房爲天子明堂以政教

道 黃帝曰房星明王者群臣奉忠 郝萌曰左
驂左股亡則東方南方不可舉兵右驂右股亡則西
方北方不可舉兵 甘德曰房星動外則財寶出
動內財寶入 陶隱居曰房星明大則羣臣奉
職天下太平暗則羣臣亂政王道不行常以三月伺
房日月出表南大旱出表北陰雨出中道爲太平

房宿所管星

天市西垣 貫索 積卒 鍵閉

從官

西咸

鈎鈐

日蝕房宿占

天文錄曰日在房宿蝕戒之三公九卿有相譖刑憂
天文惣論曰日蝕房憂兵事 武密曰日蝕房王
者有病大臣專權 陶隱居曰日蝕房王者昏亂

日暈房宿占

天文惣論曰日暈房有兵 武密曰日暈房兵起
君臣失位 王蕃占曰日暈房君失其國女主憂

續錄卷十六

三十九

月蝕房宿占

天文惣論曰月蝕房大臣有憂 天文錄曰月在房
蝕公卿大夫有當黜者又曰始耕之臣有黜者
武密占曰月在房宿蝕王者昏亂大臣專政

月暈房宿占

天文錄曰月暈房行三軍而戰若穀貴 天文惣論
曰月暈房有兵若暈三宿有小赦暈房箕糠星
大風發屋折木不若地振期一百日內若暈五舍不

出百日有赦令 武密曰月暈房國有兵在廟堂
月犯房宿占

天文錄日月犯房四足蟲多死 河圖帝覽嬉曰月行
中道是謂安寧天下和平舉兵不吉領被其刑逆天
之道辱以無名又日月宿天殿中央軍罷不過三十日
行陽環多小暴事月行陰道環多陰事小兵起
郝萌曰月當天門天駟之間五穀熟人主壽

乾象十六

四十一

荆州占日月出四表之南人君有憂出四表之北人民
流亡 郝萌曰月宿房南粟稻不成 武密曰月

行太陽天下亂月行太陰天下兵月行中道天下平
又日月行房南一丈為喪多暴獄大旱三尺五尺小
旱月出房北一丈為兵天子傍有亂臣有大水應在
衝月 天文惣論曰欲知來年水旱但看月行即

知之若月行陽道旱行陰道雨月行中道其歲太平
五穀豐盈一曰月行陽道有兵行陰道大臣有陰謀
事又日月犯房上將上將誅

次將次相
上相同占

李淳風曰

月變於房名寶駟馬出時令不順

魏明帝景初元年二月乙酉月犯房第二星占曰將相有憂其年七月司徒陳矯薨二年四月司徒韓暨薨

晉成帝咸康五年七月己酉月犯房上星占曰將相憂是月庚申丞相王道薨庾冰代輔政八月太尉郗鑒薨

宋武帝永初三年六月辛巳月犯房占曰將相有憂

卷之六

四一

豫州有災其年虜攻略青兗司三州廬陵王義真廢王領豫州也元嘉三年司徒徐羨之等伏誅

歲星犯房宿占

天文錄曰歲星入房五穀豐治太平民無疾疫有德令歲星守房大赦天下和平 天文物志論曰歲星入房人主有喜大將封爵祿 陶隱居曰歲星守房天下和平留四十五日穀熟人安寧 荊州占曰歲星去房三寸王者失政近臣叛 郗萌曰歲星入房更政

令若歲星與房合明年有大喪大水歲星不入房中
道其君不居明堂歲星居房南歲多旱五穀傷居
房西民多傷居房北舟戢用牛多死居房東馬多
死司馬彪天文志曰歲星守房右驂貴臣死 武容
曰歲星犯房將相位將相有憂歲星居房人主將
相喜 石氏星占曰歲星守房良馬出

漢孝明帝永平十六年正月丁丑歲星犯房右驂北
第一星不見辛巳乃見房右驂為貴臣歲星犯之

漢書卷之六

四十二

為見誅是後司徒邢穆坐與阜陵王延交通知逆謀
自殺

魏明帝景元四年十月歲星守房占曰將相有憂一
云有大赦明年正月太尉鄧艾司徒鍾會並誅滅咸
熙二年秋又大赦

晉穆帝升平元年十一月歲星犯房占曰豫州有災其
年六月苻堅殺苻生而十二月慕容儁入屯鄴二年
八月豫州刺史謝弈薨

熒惑犯房宿占

天文錄曰熒惑入房間地動三月四月大赦守房天下更改有德令 天文忍論曰熒惑犯房馬貴
武密曰熒惑凌犯房國君憂色青憂喪色赤憂兵色黑將相死色白芒角火災又曰熒惑入房三道天子有子若行房南為旱守之為喪行房北為水守之為兵一曰熒惑入房馬貴 李淳風曰房四星股肱之臣將相之位五星犯之皆為將相憂

郝萌曰熒惑入房大臣弑主一曰熒惑入天子之宮大臣

有叛者期六月 荆州占曰營惑出入房中道良馬用

天下兵滿野將相為盜 甘德曰熒惑貫房其下

有饑國若守房天子車馬有敗貴人病若守房成

勾己及環繞者天子失其宮期六月挺佐輔曰熒惑

居房陽為喜房陰為憂 摘亡辟曰熒惑犯房

亡君之戒 文耀鉤曰熒惑犯房將軍為亂王者惡

之若熒惑與房合車騎馳人走

宋均曰為

諸侯所逐

郝萌曰熒惑中犯乘守房左驂左股其君死中犯乘
守右驂右股夫人死若熒惑留房十五日主戰留房二十
日主出若逆房有失火若守房十日成勾己者臣弑主
一日成勾己者火又曰熒惑環房不留止舍往來彷彿
佯人主無下殿宮闕有伏兵 運斗樞曰熒惑守
房諸侯起霸 黃帝曰熒惑守房大臣為亂天
下兵作五年而上 荊州占曰熒惑守房三十日已
上王者有憂若色怒芒角凌犯有大兵改政朔

秦燕趙代憂一日熒惑守房期一年有大臣盜國

寶兵起於后宗有芒角凌犯者大人憂 雜書

雜罪級曰熒惑勾己房人主憂 說題辭曰熒

惑勾己入房天下改服 黃帝曰熒惑勾己環繞房

大人有憂 李佺曰熒惑入房馬貴出房馬賤

魏明帝太和五年五月熒惑犯房占曰房四星股肱

臣將相位也月五星犯守之將相有憂其七月車騎

將軍張郃追諸葛亮為亮所害十二月太尉華歆薨

後周高祖武帝保定四年二月甲午熒惑犯房右驂
三月己未又犯占曰上相誅車馳人走天下兵起其年十
月冢宰晉國公護率軍伐齊十二月柱國庸國公王
雄力戰死之遂班師棄豫州而還

後周靜帝大定元年正月乙酉熒惑奄房北第一星
占曰房為將相熒惑奄之大臣有變至二月庚申大
丞相隋王楊堅為相國惣百揆甲子帝遜位于隋
唐高宗上元二年正月九日熒惑犯房第二星占曰

房為明堂布政之宮熒惑犯之君有憂時帝風
亦不能聽朝政事皆決於天后詔令天后攝國政

填星犯房宿占

天文錄曰填星犯房女主憂守房則地動旱若大
赦填星進守房其國兵退守房其國慶 天文惣
論曰填星守犯房主有喜不爾有赦 武密曰填
星犯守房成勾己相有誅 巫咸曰填星在房貴
人多死 荊州占曰鎮星失行至房王者有所誅若

填星犯右服為秦魏犯左服為楚犯右驂為齊犯
左驂為趙 石申曰填星守房土功起宮室數移又
多禍殃一日旱地動兵起 陳卓曰填星中犯乘守
房南二星君死中犯乘守房北二星夫人死 郝萌
曰填星出入留舍房有失國之君若犯房女主憂
若填星逆行房女主出入恣一日女主干政 陶隱
居曰填星守房有立女主為旱為地動久守有兵
武密曰填星入房左右有去嫡還庶事若填星犯
守房成勾己者相黜 李淳風曰填星犯房成勾己
者后夫人死

晉光熙元年九月己亥填星守房占曰多禍喪國內
亂天下赦是時司馬越專權終以無禮破滅內亂
十一月帝崩懷帝即位大赦天下

太白犯房宿占

天文錄曰太白合房表四夷合從合表謂行中道者
守房土功大起布臬貴 天文摠論曰太白守房

大臣有犯法者 陶隱居曰太白守房陪臣脅君有
土功國亂布帛貴久守民饑 郝萌曰太白出入房
霜雨不時民饑牛馬多死一曰有姦謀有貴女用事
巫咸曰太白入房相有憂為亂一曰多火災五穀不成
春秋考異郵曰太白入房王失德 黃帝曰太白入
房有大喪大臣死 荊州占曰太白與辰星守房
土功起布帛貴將相失位 武密曰太白凌犯房
君有憂色青憂喪色赤憂兵色黑將相死有

芒角有大喪 李淳風曰太白入房十日成勾己天子
惡之宜以赦解 李佺曰太白凌犯房色赤有兵戰
晉成帝咸康四年十一月戊子太白犯房上星占曰上相
憂五年七月丞相王導薨庾冰代弼政八月太尉郝鑒
薨又有沔南邾城之敗百姓流亡萬餘家

晉安帝義熙元年十月丙戌太白犯鉤鈴占曰喉舌
憂其後荊州刺史魏詠之卒太保武陵王遵薨左
僕射孔安國卒

辰星犯房宿占

天文錄曰辰星犯房有殃守則大臣乖 天文惣論
曰辰星犯房而留守者當有水災 李淳風曰辰星
入房成勾己爲大人惡之以赦令解之 海中占曰辰
星入房人民有漂死者馬大貴 郝萌曰辰星入房
將軍爲亂 荊州占曰辰星入房姦臣有謀
陳卓占曰辰星入房穀貴民饑 文耀鉤曰辰星
入房地動 武密曰辰星守房胡兵發 未央曰

卷之六

四六

辰星守房夏大潦 石申曰辰星守房臣謀主將
劫掠天下 陶隱居曰辰星守房大臣相譖天下
乖離 李佺曰辰星守房胡兵敗

客星犯房宿占

天文錄曰客星入房糴貴若客星色赤入房馬貴
出房馬賤名寶有人者色白入房有攻戰 天文惣
論曰客星出房歷陽道則旱歷陰道則水又曰客
星入房左右股諸侯有來獻馬者出左右股君使人

之諸侯以馬爲幣又曰客星入房中道牛馬貴

甘德曰客星犯房國空民饑 郝萌曰客星入守房

臣弒君若客星舍房左右群臣有奪地者一曰客星

在表之南多旱去高田耕下田客星在表之北多水

去下田耕高田又曰客星暴出房而入心者近臣謀其

主若暴死期一月如不入心期一歲 郝萌曰客星舍

房左右群臣有吞藥死者又占曰有奪地

漢武帝元光元年六月客星見于房占曰爲兵十一

月單于將十萬騎入武州漢遣兵三十餘萬以待之

彗星犯房宿占

天文錄曰彗星出房其分惡之 武密占曰彗星

出房天子失德諸侯舉兵若彗星貫房王室亂

石申曰彗星入房天下亂禍患相殘

陶隱居曰彗星入房國危人亂

孛星犯房宿占

天文惣論曰孛星犯房有兵 武密曰孛星貫房

大人亂 尚書中候曰彗星出房中邦災

考異郵曰彗星貫房王室亂 甘德曰彗星干

犯房國空民饑兵起 石申曰彗星入房天下亂

禍患相殘 李淳風曰彗星出房天子失道諸

侯舉兵

後魏太延二年五月有星彗于房占曰名山崩有

亡國至四年四月華山崩慕容滅之

流星犯房宿占

天文錄曰流星蛇曲入房王者輔臣亡以赦除災年

中消 天文惣論曰流星春夏犯房有土功秋冬

犯房宰相憂流星抵房卿相有黜者 李淳風

曰流星犯衝房有水災 武密曰流星入房其年

有喪若流星抵房宰相黜鎮不出百日

乙巳略例占曰流星出房天子濟恤民下德令行若

流星入房大臣入賀國昌忠臣用流星色黑君憂

雲氣犯房宿占

天文錄曰赤黃氣入房潤澤國寶有出者黑氣貫
入房間諸侯有使來言事者 天文惣論曰有雲
如人形而入房者后妃有子孕 黃雲氣入房諸
國來獻珍寶者 郗萌曰赤氣入房宮中有亂赤
氣如波者宮燒出房兵起黑氣出房宮中憂
武密曰蒼白氣出房將相憂

景祐乾象新書角亢氏房四宿占卷第十六 類訖



元豐元年三月 日楷書臣蘇宗亮書

校定將仕郎守司天監主簿充翰林天文同測驗渾儀臣趙靖

校定將仕郎守司天靈臺郎充翰林天文同測驗渾儀賜緋臣董惟正

校定文林郎守司天監主簿同知算造臣周日新

校定文林郎守司天監主簿同管句測驗渾儀臣于太古

校定文林郎守司天監主簿充翰林天文同測驗渾儀臣王應

校定承務郎守司天監丞管句書籍臣王太明

校定儒林郎守司天監丞充曆算主簿兼同知算造臣楊得言

校定朝奉郎尚書郎兼守殿中丞司天監丞管句算造高麗曆儀賜紫袋臣周琮

校定通直郎守司天中官正權判司天監兼提點曆書騎都尉賜紫金魚袋臣丁洵

樞密學士尚書司郎兼侍讀知通進銀臺司兼判殿事兼專坊提舉進奏院判太常寺兼提舉儀禮事當院提

舉司天監事詳定郊廟奏祠禮護軍教郡國侯食邑五百賜紫金魚袋臣陳襄





